

福鼎縣鄉土誌

(清)

黃鼎翰總纂

盧宜忠標析

福鼎縣地方志編纂委員會

一九八九年一月

13.08

前 言

福鼎县自清朝乾隆四年（1739）建县以来，已历时二百五十年。其间只在清嘉庆年间修过一部《福鼎县志》。后于民国二十三年和三十五年，虽经两度修纂。但均只有稿本未曾付印。且历经时日，稿本亦渐散失。现在存留者仅三分之一。现为保存地方文化，弥补史料不足，特将清光绪三十二年黄鼎翰总纂的《福鼎县乡土志》，经卢宜忠标点后，重新付印。因时间匆促，水平有限，错误疏漏之处，尚望读者指正。

福鼎县地方志编纂委员会

福鼎县乡土志弁言

天下者，国之积也；国者，乡之积也。积点成线，积线成面，积面成体。线自点始，面自线始，体自面始。天下自国始，国自乡始。礼有乡饮，乡射，有乡先生、乡大夫；《管子》有乡长、乡师；郑人有乡校；德国以教战设乡学；英国以分治立乡社。自古及今，自中至外，舍乡无由。然则观天下者，必先观国；观国者，必先观乡乎！

方今朝廷注重学务，颁发例目，飭下各直省所属，悉编乡土志，将以备小学教科之用，法良意美，其别于府州县志而质言者，盖欲以我乡人述我乡事，求之浅近，信而有征也。昔周盛时，行人献书，太史采风，职方聚图籍，人求官，官肆事，谗周官一书，而知古侯国史之所纪，靡不纤悉详尽。自斯义不明后世方志类皆博而寡要，或牖陈典故，或钞录文移，或专录金石艺文，或兼收流寓、僧道。郑樵所谓略于事实，详于浮言者，盖以此若是乎。方志之作，无用于世，无益于学问，不如不作之为愈矣！

鼎邑志书，自龙南谭令纂修后，已及百年，毁于兵燹，所存旧帙丛残不可校。今岁适奉大吏飭纂乡土志之檄，乃核定方针，谋所以组织之。于是征邑士更事者，司采访；能文者，司撰述；排比经纬，而自总其成，五阅月卒业，为编二十八，方数六卷为四卷。虽未敢自信如例目所云，事必详核，文必简雅，然但以查乡言乡为主，视彼舍主位而取客观泛滥无指归者，似有同焉。他日者，经编书局审定发行，

以饬学子，则成编具在，钩于乡，而山川道里可知也；稽于乡，而民情风俗可知也；衡于乡，而吏治人材可知也；综核于乡，而学术、商务、工艺、物产无不可知也。推乡以及国，推国以及天下，见闻愈广，智识愈开，文明愈进，无有纪极，然则乡土志者，特为世界万治之基础而已。故曰：观天下者，先观国，观国者，先观乡。

光绪三十有二年，岁在柔兆，敦谳律中，黄钟之月。知县辜楚南
黄鼎翰自叙

福鼎县乡土志

总纂

四品銜福鼎县知县 黄鼎翰

监修

五品顶戴候补巡检 高文藻

分修

副	贡	周梦虞
廩	生	孔昭金
廩	生	江本倪
廩	生	高维高
廩	生	曹 嵩
廩	生	李梦星

校对 生 员 蔡建滋

采辑

训导林梦翰

廩生施得奎

生员蔡钟灵

廩生周梦庄

生员王承裘

生员林步蟾

生员王承睿

生员黄应雷

廩生洪鍾律

廩生林奎成

生员林际春

廩生林家凤

训导林小奇

生员江仲元

职员郑秋元

生员黄兴淳

生员黄海云

生员郑步梯

廩生林一桂

武举李德新

生员李乃光

廩生徐鼎文

监生朱凤翔

生员董德勋

武生萧景祿

生员陈蔚青

生员朱德铭

廩生张雨章

生员蔡凤翔

生员张焕雨

生员张焕明

武生张雨元

生员朱光耀

生员萧子斌

~ 3 ~

生员萧承奎

附员许葆昭

附贡陈正卿

廩生章达聪

廩生孔昭嵩

生员吴建楷

职员李策勋

生员孙秀昌

廩生蔡维峻

生员蔡德光

生员张映彩

生员郑怀瑜

监生谢锦新

廩生朱赞熙

——史之有表，始：……

……凡……例……

一是书编次，谨遵奏定例目，首沿革、次政绩、次兵事、次者旧、次人类、户口、宗教、实业，次地理、道路，而以大姓、学堂、警察、山水、物产、商务六表终焉。若星野、若典礼、若田赋、选举诸大端，为从前志书所有者，非例目所载，未敢滥入。

一沿革，一门旧志，繁征博引，三唐五季间，尤为混杂。兹悉删削弗录。择切指本境者列焉，求合例目简之一字。

一番旧及节义，实繁有徒，难以备登。兹择其事迹可以风励后起者，节录十之二、三，以供编定，余俟继登邑志。

一本境著述家颇少，间有号称作者，其书名卷帙，已散见于名儒，循吏等传，不便别立一门。

一 名臣、功臣、名将，本境鲜有其人，不敢附会滥登。

一 本境名将虽不概见，而杀敌致果之士，战绩究不容没，查旧志原有武功一门，今仍之。

一 地理总编一，分编二十，明方向，划界线，标里名与。夫区内之山川、古迹、祠庙、坊表、桥梁、市镇、学堂，靡不详悉采入，有时兼及民情、物产，亦必择与该处，确有关系者，始略举一、二。

一 史之有表，始于龙门，近世学堂教科书亦有之，令人一目了然，易于览观。是书窃取其意，列表凡六，以备考稽。

一 地里一门，邑以南北为要冲，西为次冲，故于三向特详，东则从略，谨遵奏定例目，凡十里必记一地名，内有与福建舆地图说李藻测量里数不合者，李氏误处，悉为更正。

一 簿书鲜暇，分修者又皆系学堂教员，未得悉心蒐辑，克日呈功，何敢自信毫无遗漏，然大端固已毕具。

福鼎县采辑乡土志

历史

沿革

国（清）朝雍正十二年，升福宁州为府，置霞浦县。乾隆四年，析霞浦地置福鼎县。

唐虞夏商周属扬州之域（禹贡）。

春秋为越国。

战国属楚。

秦为闽中郡。

汉属冶县（俱史记）。

后汉属会稽郡南部（张勃吴录）。

三国时地入东吴（吕岱伟）。

晋灭吴，置温麻县（通志）。

隋废，温麻县入原丰县（三山志）。

唐以温麻县置长溪县，寻为宁远镇。武氏时，复为长溪县（通志并三山志）。

元升长溪县为福宁州（通志）。

明改福宁州为县，寻复升为州（通志）。

按《禹贡》：淮海维扬州，鼎当海陵，为古扬州地，三代以降，为越、为楚、为闽中郡，《史记》可考。汉封无诸为闽越王，都冶，班祿《汉书》与西南夷同传义等语，时犹未入版图也，后汉始隶会稽南郡。海滨斥卤，土旷人稀，则亦遥制之而已。考本境沿革，当以晋置温麻始，六朝因之。隋入原丰县，至唐武德间，改为长溪县，又为宁远镇，未几，复为长溪。五代至宋，悉如旧制，原升县为福宁州。明洪武改州为县；成化复升为州。我（清）朝御宇初，仍其旧。今升州为府，析置鼎邑，又历一百六十余年，属福宁府。此据通志、《三山志》，参之历代史书，考定其大略如此。

政 绩

傅维祖，浙江鄞县举人，识治体，兼精堪輿术。乾隆四年，鼎初建县，大吏廉其能，奏补斯邑。时庶事草创公署、学官，以及增建庙宇之位置，皆所手定。经划规模，后人无以易之。平日留心民瘼，决狱尤明慎平允。莅任三载，以老告归。

高琦，字魏堂，江苏武进举人。乾隆十三年，宰鼎邑，扩充义学之制，鼎建桐山书院，规模宏敞，讲堂、学舍、廊庑膳厨咸备。复偏查充公田产，详拨入院，于是师生束修、膏火得所资，而教养尽善。邑人勒石以颂，至今尸祝弗谥。

萧克昌，陕西咸阳举人。有吏才，遇事明决，乾隆时除鼎令，在官五年，多善政，洁己爱民，延师造士。复念书院膏火无多，寒酸艰于就学，设法增广之。时修理学官、城垣、桥道诸役相继起，邑人信服，故事不劳而功易集。

谭伦，字鑑溪，江西龙南拔贡，嘉庆乙丑授鼎令，卓著循声，以移风易俗为己任，重修桐山书院，念自设县以来，志乘缺，如恐忠孝节义多就湮没。爰集邑孝廉王勗龄、施如全等采访编辑，而躬总其成，著县志三十四卷，旋值大浸，劝赈兼行，富者以安，贫者以活，去官之日，父老攀留，至有泣下者。

何锦云，字浣溪，湖南巴陵人。道光季年，权鼎令、适发匪

湖

煽逆邻境，时虞蠢动。因练乡团，严防堵，以清内奸。县城夹双溪，东溪每逆涨，筑石堤捍御之，近千丈。邑旧无考棚，辄借县署应试，诸生自备几案，咸以为弗便。锦云乃筹款鼎建，并拓置宾兴田亩，俾乡会士子得所资。未卒役，以事移去。继其成者为李令树泽，高令鸿飞（树泽山东邹平县人，鸿飞江南广陵人）。

张多第，字少驹，江苏丹徒举人。咸丰间，邑有剧盗，据山为巢，党羽日众。官遣使往擒，无敢深入。多第谗知之，既抵任，不动声色，捕其诸法。性爱士，教养兼至。旋迁官去，濒行，捐白金三百，属邑绅代权子母；每届宾兴年，收子钱分给入闾诸生，名为烛黄云。

蔡登超，字榕岩，同安人。咸丰间，补烽火营中军，旋署参将。值岁旱，民乏食，捐廉劝赈，全活甚众。金钱会匪之变，县城失守，阖邑震动。登超倡率绅董，编联一十一都保甲；又于山隘要处，砌石建寨门三，曰保宁、定福、固寿，以资堵御，日夕戒严。获匪首朱全，斩之。此外诸境，赖以保全。

陈坪桂，字杏根，广东高要举人。县治本古芦门司地，仍旧堡为城。官斯土者，率以工程鉅而财力艰，因陋就简，垂二百余年。坪桂抵任，既建城隍庙，乃属绅耆，议分乡计丈筑之法，卒成厥工。时二役并兴，民颇弗便，而一劳永逸，亦有功于兹土歟！

陈庆生，字厚庵，云南定远举人。学造爱人，有古循吏风。同治时，鼎盐改归官办，庆生适接篆席，知旧有书院膏火款，计千金，为~~堪~~贾乾没，力请运司提款扒还，额不足，复捐廉弥之。部民以事控，辄升堂断决，案无留牍。有~~疑~~狱，率躬自跨马，掣二三仆从，驰赴其地，召问父老，为平曲直。搜粮戾马之费，一无所取。经年后，讼日稀。衙斋萧闲，每闻有书声琅琅自内出者。

邓嘉绳，字公武，江宁诸生。光绪初，宰鼎邑。^邑故有溺女风，~~真~~之~~一~~则然。乃筹建育婴堂于南门外，妥立善后法；并捐余帑寄存质库，权子母，每年~~抚~~育女婴四十名。迄今遵守旧章，全活甚众。

王步田，字斐章，湖南长沙人。提督銜。光绪十一年，统带楚勇驻桐山，时城内河道淤塞，绅士乞派勇助修浚，慨然许诺。遂具~~钱~~，分给各勇，亲督之。凡八阅月，河工竣，计长百余丈，广三丈，深丈有奇。

汪先达，字镜泉，安徽人。光绪间，授秦屿分司，编保甲，濬沟渠，防淤谷，~~并~~私钱，悉认真办理。并捐廉百金，倡设惜字社梓阴~~篇~~文劝世。尤工楷法，有求者，辄书格言应之，后卒于官。

丁芳，字~~兰~~，河南祥符进士。敦朴素，~~于~~明察，摘奸发伏，人不能欺。有折狱，升堂~~判~~，淫淫不见~~痊~~。痛除匪类，严禁赌风，

築义仓二千余石。在任十载，为民豁捐者三次。死后，人尤怀之。其从政，盖得猛以济宽之意云。

福鼎自咸丰辛酉，遭金钱乱，档案焚燬殆尽，必若旧志序次职官姓氏，无从稽考。然功绩表表者，固不容湮没也。右列政绩，共一十三人，于兴利、除弊、听讼三者，或众长兼擅，或一节最优，悉数之，以作编定。至若余树千之倡建城乡义仓；康林桂详搜寺产，充入书院；烽火营参将陈宗凯之清濬泰屿沟渠；皆有述泽在民。他若钱塘包巽权，以不贪为宝，除鼎令时，不名一钱，子随侍在官，年三十余，未有室，后调他邑。发冢至，冠服升堂，延颈受刃，贼义之，不敢杀。伟丈夫哉！格于例目未得与诸君并列，附载于此。

兵 事

元至正十年五月，方国珍剽掠大小货屿（俱邑六都濒海地），元帅扈海率师往捕。溃于水澳（四都地）贼追至赤岸（属霞浦），扈海被执。十二年，移洋贼康一既陷州治（即今府治），率众三百余至桐山（今县志^{卷二}）。里人高公玉、高天璧以计缚之。明洪武初，温州叛贼叶丁香，由桐山寇州，屠戮甚惨，官军讨平之。正统间，处州贼掠桐山。嘉靖时，海寇掠秦屿各堡。崇祯末，海贼郑芝龙入寇秦屿，里人张鸾三率众捍御，贼复由樟岐入袭，城破，鸾三死之。（元明之群贼）

明嘉靖三十五年十月，倭万余攻秦屿堡。里人程伯简率众御之，七昼夜，不克。伯简死城上。三十七年四月，倭攻秦屿堡，不克。三十八年四月，参将黎鹏举，自嵩山（在七都海中）冲倭舟为两截，击沉其一；追至三沙穴陷山（霞浦濒海地），大破之。四十二年五月，倭攻流江沙埕（俱邑二十都地），把总朱玩率舟师破之，获首级五十餘。四十三年四月，参将李超破倭于水澳。（明倭寇之乱）

国（清）朝顺治十三年八月，海寇陈文达焚劫塘底，汀州王拉夫、寿宁马兴等剽掠桐山，居民绝迹。十四年三月，海寇入城（邑九都地），逼民助粮，诸生王式金弗从，死之。康熙十七年，海寇掠桐山，平阳镇把总王彪采琰，奋勇进剿，归至才堡岭（邑八都地）遇贼血战死之。嘉庆间，（年月失考）海盗蔡牵连船入闽，泊嵩山，恩睡为巢穴品司因该山系

禁岛，孤悬海外，无庐舍田园，难以久住，官军亦会剿其巢，一夕风帆遁去。（国朝之群盗）

咸丰季年，平阳有奸民赵起者，钱仓埠役也。设店以匿客。偿以结盟拜会诸恶少年，因相与倡金钱会。铸伪钱给入会者，人一枚，^文曰“金钱义记”，四出诱胁。温属平贾富民，多受伪钱。党羽既盛，渐事焚劫，守令无如何，亦不敢实言状（钱匪聚集之缘起）。已而贼氛日炽，据平阳，陷永嘉，扰瑞安，遂分党来寇福鼎，攻分水关，官兵与战失利。十月二十日，贼数千人闯入关，兵勇尽溃。申刻，至县治，大肆剽掠，烧城内外民居数千间。贼既饱所欲，即夕遁去（或云：贼闻平阳义民有号白布会者，爰破其巢穴，故惧而回援）。而县管两署无官守者二十余日。贼稍稍复至（钱匪焚桐山）。

当县城之失守也，大吏闻报，檄前闽安镇总兵秦如虎前往剿贼。如虎兵扎桐山月余，察该处有密藏金钱者，即行梟首。十二月十六日，贼大至，如虎率师御，自驻水北溪桥上，遣游击许中标与贼战于万古亭，大破之。嗣如虎赴浙，与福建记名道张启煌会剿，逆党先后就缚，悉斩之。起逸至玉环被获，磔死（秦总兵平定钱匪）。

福鼎僻处海滨，民气朴野，多奉公畏法，唐宋以前尚矣。自元至今，本境无有叛党。其从他境来犯者，间有之。然自

方国珍、郑芝龙二、三剧盗外，么麽小丑，旋起旋灭 历年久
远无从详稽。惟金钱会之变，为时较近，鼎之被害尤甚。
故叙其逆迹，独加详云。

耆 旧

孝

明 游红五，隶洋人，性至孝。父歿，辟踊过节绝而复甦者再。庐墓三载，人谓其墓为孝子墓。

国（清）朝

王太邠，字勉生，林西桥人。顺治十三年，倭寇劫掠，邠方十岁，适父死未殓，守尸不去，为贼所得。泣曰：“亦知留则必死。愿父尸在床不忍去耳。”贼怜其少且孝，为埋其父，纵之去。

吴居童，字观卿，西洋人。七岁失怙，母谋再醮去，童率衣挽留，泪泫泫下，母怜之，终守志焉。康熙甲寅，倭乱，年十七负母逃窜，为贼所获，掳至雷州，乞代母寃，贼感其诚孝，释之归。

周淑贤。康熙十五年，海寇入境，父与弟均被掳，贤径投贼船，愿以身易父弟。贼释弟拘贤，不令见父，贤竭力营谋，半年，竟偕父逃归。同时，夏正炳亦为海寇执至台州。思母悲泣，贼悯，归之。

余耀，字欽电，又字双髯，秦屿诸生。家贫，笃天性。嗣伯父。后父卒，号踊呼号，哀感行路。季弟雍屈闽海死，裹